



NROOG
MADISON
CHEEB TSAM TSEV
KAWM NTAUV

FEEM KEV KAWM MUS DEB

TSEV NEEG PHAU
NTAUV SIV

Daim Phiaj Teev Ntsiab Lus

<u>Kev Taw Qhia</u>	<u>3</u>
<u>Feem Kev Kawm Mus Deb Cov Kis Kev Txawj</u>	<u>5</u>
<u>Cov Kev Pab Rau Kev Kawm Mus Deb Ua Ntu Zus Mus</u>	<u>7</u>
<u>Tus Txheej Txheem Txheeb Xyuas</u>	<u>8</u>
<u>Tus Txheej Txheem Txhawb Kom Mus Ceev</u>	<u>9</u>
<u>AL Cov Kev Pab Ntxiv Mus – Tsev Kawm Phaj Pib</u>	<u>11</u>
<u>AL Cov Kev Pab Ntxiv Mus – Tsev Kawm Phaj Nrab</u>	<u>12</u>
<u>Feem Kev Kawm Mus Deb – Tsev Kawm Phaj Siab</u>	<u>13</u>
<u>Cov Lus Sawv Daws Nquag Nug</u>	<u>14</u>
<u>Feem Kev Kawm Mus Deb Cov Lus Siv thiab Cov Ntsiab Txhais</u>	<u>15</u>
<u>Cov Kev Pab Rau Cov Yim Neeg</u>	<u>17</u>

Kev Taw Qhia

Phau ntawv cov qhia no muab lub ntsiab tseem ceeb txog Feem Kev Kawm Mus Deb nyob hauv Nroog Madison Cheeb Tsam Tsev Kawm Ntawv (MMSD). Siv phau ntawv cob qhia no kom nej tus kheej swm zoo zog txog cov kev npaj siab kom ua rau Feem Kev Kawm Mus Deb cov txheej txheem txheeb xyuas thiab niam txiv/tus saib xyuas/tus xib fwb cov luag hauj lwm hauv cov kev khiav hauj lwm pab thiab cov kev kawm.

Peb saib lub luag hauj lwm tseem ceeb uas cov yim neeg ua muaj nqis nyob hauv txoj kev qhia ntawv rau nej tus me nyuam, thiab cia siab tias Tsev Neeg Phau Ntawv Siv Rau Feem Kev Kawm Mus Deb no yuav pab tau los mus txhawb txoj kev kub siab ntawd.

Lub Ntsiab Tseem Ceeb Txog Feem Kev Kawm Mus Deb

Hauv Wisconsin, “cov me nyuam kawm ntawv ntse thiab tshaj lij” txhais tau tias yog cov me nyuam kawm ntawv mus kawm rau hauv cov tsev kawm ntawv rau pej xeeb uas lawv muab tau tej tim khawv kev muaj peev xwm kawm tau mus siab hauv txoj kev ntse, muaj tswv yim, muaj txuj zoo, muaj kev coj zoo, los yog tej yam kev kawm ntaub ntawv thiab cov me nyuam uas lawv xav tau cov kev khiav hauj lwm pab los yog cov kev kawm tsis yog muab raws li ib txwm muaj rau kawm nyob hauv tsev kawm ntawv cov kev kawm xwm yeem kom thiaj npaj tau puv npo rau cov kev muaj peev xwm ntawd. ([Wisconsin Tsab Cai § 118.35](#))

[MMSD Tsoom Fwv Tswj Kev Kawm Tsab Cai 3555 Tswj Feem Kev Kawm Mus Deb](#): MMSD Tsoom Fwv Tswj Kev Kawm “txaus siab los muab ib qho kev qhia ntawv khov uas tshwm sim nyob hauv txoj kev loj hlob rau tag nrho cov me nyuam kawm ntawv, xws li cov me nyuam kawm mus deb. Tsoom Fwv Tswj Kev Kawm ntseeg tias cov me nyuam kawm ntawv raug txheeb tias yog cov me nyuam kawm mus deb yuav tsum sawv cev rau thiab muab tso rau hauv cov neeg txhua pab pawg ntawm pab cov zej zog tsev kawm ntawv xam cov me nyuam kawm ntawv muaj kev kawm tshwj xeeb, cov me nyuam xyaum kawm Lus Askiv, thiab cov me nyuam kawm ntawv los ntawm lwm pab pawg uas tsis muab sawv cev raws keeb kwm hauv cheeb tsam tsev kawm ntawv cov kev kawm rau cov me nyuam kawm mus deb. Tsoom Fwv Tswj Kev Kawm paub tias nws yog ib qho tsim nyog los tsim thiab tswj ib qhov kev txhawb robust, thaj tsob raws keeb coj rau txoj kev txheeb xyuas, txoj kev tsom kwm, thiab txoj kev khiav hauj lwm pab cov me nyuam kawm mus deb. Tsoom Fwv Tswj Kev Kawm paub tias cov me nyuam kawm ntawv no kuj yuav xav tau kev pab txoj kev kawm uas yuav tsum muaj cov kev txhawb thiab cov kev txhim kho ntxiv ntau tshaj txoj kev qhia ntawv tseem ceeb nyob hauv chav kawm qhov kev kawm txuj rau txhua tus. Tsoom Fwv Tswj Kev Kawm kuj paub ntxiv tias tag nrho cov me nyuam kawm mus deb yuav tsum muaj vaj huam sib luag thiab muaj txoj kev raws lub sij hawm mus rau cov kev txhim kho tsim nyog uas tsis raug nqi dab tsi li.”

Feem Kev Kawm Mus Deb Lub Zeem Muag Vaj Huam Sib Luag

Lub zeem muag ntawm Feem Kev Kawm Mus Deb (AL) yog tsim thiab siv cov kev khiav hauj lwm thiab cov kev qauv uas txhawb txoj kev txheeb xyuas thiab kev npaj ntawm cov me nyuam kawm ntawv puv npo uas tshwj xeeb cov me nyuam Dub thiab cov me nyuam Mev/Latiné, uas muaj cov kev tsim nyog tau kev pab txog txoj kev muaj peev xwm yuav kawm tau mus deb.

Kev Txhais Fab Kev Kawm Mus Deb Qhov Kev Tsim Txoj Kev Tshaj Lij

MMSD txhais Qhov Kev Npaj Txoj Kev Tshaj Lij raws li yog muab cov hau kev hais txog keeb coj thiab tej lus rau tag nrho cov me nyuam kawm ntawv nrog ib lub hom phiaj ntxiv rau cov me nyuam kawm ntawv uas raug sawv cev tsis sib npaug nyob hauv Feem Kev Kawm Mus Deb cov kev khiav hauj lwm pab npaj kom txhij rau tsev kawm qib siab, lub zej zog, thiab kev ua hauj lwm.

Feem Kev Kawm Mus Deb Cov Kis Kev Txawj

Xeev Wisconsin Feem Tsim Txoj Cai Lij Choj tau ntiv Xeev Tus Qauv (t) rau tsab cai 118.35 thiab 121.02(1) nyob rau 1987. Xeev Tus Qauv (t) teev tias Cheeb Tsam Tsev Kawm Ntawv Tsoom Fwv Tswj Kev Kawm txhua tus (School District Board) yuav tsum muab txoj hau kev mus rau qhov kev kawm tsim nyog rau cov me nyuam kawm ntawv raug txheeb tau tias yog cov me nyuam ntshe thiab tshaj lij. Wisconsin Tsab Cai Tswj P18.01(2)(t) teev tias Cheeb Tsam Tsev Kawm Ntawv Tsoom Fwv Tswj Kev Kawm txhua tus yuav tsum teeb ib qhov kev txheeb xyuas cov me nyuam kawm ntawv ntse thiab tshaj lij nyob hauv txhua kis ntawm no:

Kev Nthuav Txuj/Kev Nrag Txuj

Cov me nyuam kawm ntawv nthuav tawm qhov muaj peev xwm yuav ua tau rau cov kev txhawb tseem ceeb hauv txoj kev nthuav txug thiab/los yog txoj kev nrag txuj. Kev nthuav txuj yuav muaj xws li kev ua nthuav tawm, kev hu nkauj, kev seev cev, kev ntaus/tshuab lub cuab yeej suab npaj nruag, thiab kev tsim suab paj nruag. Kev nrag txuj yuav muaj xws li kev nrag duab, kev pleev duab, kev txua duab, thiab kev nrag duab hauv computer.

Kev Muaj Tswv Yim

Cov me nyuam kawm ntawv nyiam xav ntau txoj hau kev thiab muab tau tej txoj hau kev tshiab thiab zoo txawv los saib rau cov ntsiab lus. Lawv nyiam kom muaj kev txawj ntse khov nyob hauv kev ua npliag, qhov xub xub muaj, kev ywj tau, thiab kev piav.

Kev Coj

Cov me nyuam kawm ntawv nyiam ua ywj siab thiab tsis ntshai ua tej qhov phom sij. Cov me nyuam kawm ntawv kuj muaj kev npliag hauv kev ua phooj ywg/kev sib raug zoo uas yuav muab tsim tau nyob hauv ib txoj hau kev zoo. Cov me nyuam kawm ntawv nyiam los nthuav qhia thiab, raws li qhov muaj tshwm sim, qhov kev xam pom hais txog lawv tus kheej, lawv txoj kev kub siab thiab tus cwj pwm coj.

Tej Yam Kev Kawm Txuj

Cov me nyuam kawm ntawv nthuav tawm qhov ua tau zoo nyob hauv cov ntsiab kawm thiab cov kev txawj ntse hauv ib los yog ob chav ntawv kawm.

Kev Ntse Txhua Yam

Cov me nyuam kawm ntawv nthuav qhia qhov kev muaj peev xwm tshwj xeeb los yog qhov muaj peev xwm yuav ua tau uas raug muab cim tseg los ntawm cov txheej txheem khaws tseg (e.g. kev cim cia, kev piav qhia, qhov kev kawm tau ceev, kev piav qhia qhov nyob sib ze/sib nrug saum nruag ntug, qhov kev muaj peev xwm los nrhiav tau thiab daws tau tej teeb meem, thiab qhov kev muaj peev xwm los tswj tau cov tswv yim lub ntsiab thiab muab kev sib txuas).


Muaj ntau txheej lus rau kev txheeb cov me nyuam kawm ntawv ntse thiab tshaj lij yuav tsum muab siv kom muaj kev ntse, kev kawm tau, kev coj, kev muaj tswv yim, kev tsim muaj, kev luj xyuas, thiab kev plov meej muab npe. Ib tug me nyuam kawm ntawv kuj yuav raug txheeb raws li yog ib tug me nyuam ntse thiab tshaj lij nyob hauv ib qhov los yog ntau qhov ntawm cov no. Cheeb Tsam Tsev Kawm Ntawv Tsoom Fwv Tswj Kev Kawm yuav tsum muab txoj hau kev mus kawm, uas tsis muaj kev kom them tus nqi kawm, mus rau cov kev kawm K-12 tsim nyog, uas nthuav txoj kev npaj ntawm cov me nyuam kawm ntawv raug txheeb tau tias yog cov me nyuam ntse los yog tshaj lij raws li tau kee tseg los ntawm xeev tsab cai. Cheeb Tsam Tsev Kawm Ntawv Tsoom Fwv Tswj Kev Kawm yuav tsum muab txoj hau kev rau niam txiv tuaj koom rau hauv txoj kev npaj ntawm qhov kev kawm tau plov meej. [Xeev Tsab Cai 118.35(1), 118.35(3), 121.02(1)]

Kev txheeb Cov Kev Ntse thiab Cov Kev Tshaj Lij ntawm peb cov me nyuam kawm ntawv yog ib tus txheej txheem muaj tsis tu ncua, uas yog raug tswj los ntawm cov kev kawm ntau yam thiab raug tsom kwm los ntawm cov xib fwv ntau leej.

Cov Kev Pab Rau Kev Kawm Mus Deb Ua Ntu Zus Mus

Txhua lub tsev kawm phaj pib thiab phaj nrab hauv MMSD muaj ib tug Xib Fwb Tuav Kev Kawm Mus Deb (AL) uas cov yim neeg tiv tauj tau ncaj nraim mus rau tom lawv lub tsev kawm ntawv. Yuav kom cov me nyuam kawm ntawv tau cov kev kawm mus deb nyuaj thiab muaj kev raus tes rau ces cov xib fwb ntawm no yuav koom tes nrog cov sib fwb qhia ntawv hauv chav kawm los txhawb cov kev kawm txhua hnuv. Tej zaum lawv kuj yuav muab kev qhia muaj hom phiaj rau cov qib nyuaj thiab qib hloov tag nrho.

Kev Kawm Mus Deb tsis yog ib qho chaw mus kom txog tab sis yog ib txog kev pab ua ntu zus los mus uas hloov tau. Tej zaum cov me nyuam yuav hloov cov kev pab ntawm no raws li lawv txoj kev xav tau thiab cov ntsiab ntawv kawm uas tab tom kawm. Tus qauv hauv qab no qhia txog qhov ntawm no nrog rau Cov Hwv Tsam Txhim Kho Kev Tshaj Lij uas muaj rau txhua tus me nyuam kawm ntawv.



Kev Qhia Ntawv Sib Txawv

Kev hloov kho cov kev qhia ntawv kom haum ntxaws rau cov ntsiab kawm raws qib nyob rau hauv chav kawm.

Kev Txhawb Ntxiv

Muaj cov kev kawm nyuab thiab kev ua kom paub cov qauv kawm tob uas tab tom qhia nyob rau ntawm cov ntsiab ntawv kawm (xws li xyuas tob zog ntxiv rau kev daws teeb meem, tshuaj xyuas cov ntawv nyeem nyuab, los sis koom nrog cov kev ua tsawb lus nug tob).

Kev Kawm Nyuaj

Kev siv lub hom phiaj ntsiab kawm thiab kev txawj ntse. Tej zaum cov me nyuam kawm ntawv yuav siv ib qho digital platform los kawm thiab sib ntsib ua ntu zus nrog tus Xib Fwb Tuav Kev Kawm Mus Deb.

Kev Hloov Tag Nrho

Kev pom zoo thiab kev tso rau ib qib kawm siab zog kom dhos nrog txoj kev qhia rau tus me nyuam qib ua tau txhua hnuv. Tej zaum cov me nyuam kawm ntawv yuav koom tes rau ib qho digital platform nrog rau kev qhia kawm tim ntsej tim muag ob zaug rau ib lub lim tiam.

Tus Txheej Txheem Txheeb Xyuas

MMSD txheeb Cov Me Nyuam Kawm Mus Deb los ntawm ntau qhov hauv txoj kev tuav xam xyuas. Kev txheeb xyuas hauv Feem Kev Kawm Mus Deb muaj tshwm sim thoob plaws hauv lub xyoo kawm hauv kev ntse txhua yam, tej hom kev kawm, kev coj, kev muaj tswv yim, thiab kev nrag txuj and kev nthuav txuj hauv qib xyaum kawm (K) mus txog qib 12. Cov me nyuam kawm ntawv raug txheeb los ntawm kev siv qhov kev ntsuam xyuas muaj tim khawv ntau txaus tsim nyog (quantitative) (kev ntsuam xyuas cov ntsiab lus / assessment data) thiab qhov kev ntsuam xyuas zoo txaus tsim nyog (qualitative) (kev ceev tseg tej yam tseem ceeb hais txog tus kheej/portfolio los yog tej ntsiab lus teev tseg/anecdotal) nyob hauv [WI State Statute PI 8.01\(2\)\(t\)2, Wis. Admin. Rule](#) uas kee tias cov ntsiab lus muab los khaws cia yuav tsum:

- *Muaj cov chaw mus muab los kom ntau txaus tsim nyog thiab zoo txaus tsim nyog*
- *Thaj tsob tau rau tag nrho cov me nyuam kawm ntawv*
- *Haum rau lub hom phiaj rau cov ntsiab lus tab tom muab siv*

Cov niam txiv, cov me nyuam kawm ntawv thiab/los yog cov xib fwb kuj yuav tau ua [AL ib daim ntawv thov](#) los mus pib tus txheej txheem ntawm qhov kev txheeb xyuas qhov kev muaj peev xwm yuav ua tau.

Feem Kev Kawm Mus Deb Tus Kws Paub Tshwj Xeeb, nyob hauv txoj kev koom tes tawm tswv yim nrog pab neeg tuav hauj lwm hauv tsev kawm ntawv, siv tsawg kawg ob qhov ntawm cov txheej lus los txiav txim xyuas qhov kev txheeb xyuas hauv Feem Kev Kawm Mus Deb:

- Kev txheeb xyuas raws qhov kev ntsuam xyuas cov ntsiab lus
 - Thaum ib tug me nyuam kawm ntawv nthuav tawm qhov kev paub siab dua qib duas kawm cuag ncuag, Feem Kev Kawm Mus Deb Tus Kws Paub Tshwj Xeeb, nyob hauv txoj kev koom tes tawm tswv yim nrog tus xib fwb hauv chav kawm, yuav los saib cov ntsiab lus niaj hnub no thiab yav tas los (siv cov qauv qib duas kawm thiab cov kev tswj hauv cheeb tsam tsev kawm ntawv raws tej pawg me thiab lub tsev kawm ntawv) los txiav txim xyuas seb qhov kev txheeb xyuas puas tsim nyog muab rau
- Kev txheeb xyuas raws qhov kev teb rau cov ntsiab lus txhim kho
 - Thaum ib tug me nyuam kawm ntawv teb zoo zoo (i.e. Tus me nyuam kawm ntawv puas yuav tsim nyog tau los yog txais txiaj ntsim los ntawm qhov kev pab no nyob rau yav tom ntej?) rau Feem Kev Kawm Mus Deb txoj kev txhim kho uas yog siv tsawg kawg 4 mus rau 6 lub lim tiam, Feem Kev Kawm Mus Deb Tus Kws Paub Tshwj Xeeb, nyob hauv txoj kev koom tes tawm tswv yim nrog tus xib fwb hauv chav kawm, mam txheeb xyuas cov ntsiab lus ntxiv, xws li niam txiv/tus saib xyuas cov lus hais txhawb yog tsim nyog, los txiav txim xyuas seb qhov kev txheeb xyuas no puas tsim nyog muab rau
- Kev txheeb xyuas raws qhov kev ceev tseg tej yam tseem ceeb hais txog tus kheej (portfolio) / cov ntsiab lus teev tseg cia
 - Thaum ib tug me nyuam kawm ntawv nthuav tawm txoj kev kawm siab dua qib duas kawm nyob hauv cov chav ntawv kawm xws li kev nthuav txuj/kev nrag txuj, kev muaj tswv yim, thiab kev coj, Feem Kev Kawm Mus Deb Tus Kws Paub Tshwj Xeeb, nyob hauv txoj kev koom tes tawm tswv yim nrog tus xib fwb hauv chav kawm, mam txiav txim xyuas seb qhov kev txheeb xyuas no puas tsim nyog muab rau. Qhov no kuj yuav muaj xws li cov kev ceev tseg tej yam tseem ceeb hais txog tus kheej/portfolio los yog cov kev luj xyuas.

Tus Txheej Txheem Txhawb

TUS TXHEEJ TXHEEM TXHAWB CHAV NTAWV KAWM

Lub hom phiaj yog kom duav tau tej yam xav tau ntawm cov me nyuam kawm ntawv muaj tej yam tsim nyog tau kev pab hais txog txoj kev kawm mus deb thaum qhov kev qhia ntawv tseem ceeb nrog rau Feem Kev Kawm Mus Deb cov kev pab tsis duav tus me nyuam kawm ntawv tej yam xav tau hais txog kev kawm txuj thiab kev sib raug zoo-kev xav.

- Yuav kom muab tuav xam xyuas tau rau qhov kev txhawb chav ntawv kawm, tus me nyuam kawm ntawv yuav tsum raug txheeb tau tias yog ib tug Me Nyuam Kawm Mus Deb nyob hauv chav ntawv kawm uas raug muab tuav xam xyuas. *Cov kev tuav xam xyuas rau qhov kev txhawb chav ntawv kawm yuav tsum muab xa los ntawm AL Tus Kws Pab Tshwj Xeeb mus rau AL Pab Thawj Coj tsis pub dhau thawj hnub hauv lub Plaub Hlis rau lub xyoo yuav los ntawd.*
 - Feem Kev Kawm Mus Deb Cov Kws Pab Tshwj Xeeb txheeb xyuas cov me nyuam kawm mus deb los ntawm qhov kev txheeb xyuas cov kev qhia ntau txaus tsim nyog thiab cov kev qhia zoo txaus tsim nyog, xws li ntau hom ntsiab lus hauv tej chav ntawv kawm thiab kev sib tham tawm tswv yim nrog cov xib fwb hauv chav kawm, niam txiv/tus saib xyuas thiab tsev kawm ntawv pab neeg ua hauj lwm thoob hauv lub tsev kawm ntawv.
- Tus Kwv Paub Feem Kev Kawm Mus Deb koom tes tawm tswv yim nrog ib pab neeg khiav hauj lwm thoob plaws hauv tsev kawm ntawv xws li tus tuam thawj xib fwb, tus thawj coj xib fwb, tus xib fawb hauv chav kawm, lwm tus neeg ua hauj lwm thiab/los yog niam txiv/tus saib xyuas los mus txiav txim xyuas seb qhov kev qhia ntawv niaj hnub no puas duav tau tus me nyuam kawm ntawv tej yam xav tau los ntawm qhov kev qhia ntawv ua kom haum thiab AL cov kev khiav hauj lwm pab. Nyob rau thaum qhov kev koom tes tawm tswv yim, pab neeg no yuav txiav txim xyuas seb tus me nyuam kawm ntawv puas xav tau qhov kev txhawb kom mus ceev uas yog npaj ib qhov kev txheeb xyuas cov ntaub ntawv mee pem uas yuav muaj xws li:
 - Tus me nyuam kawm ntawv cov ntaub ntawv ua piv txwv, qhov kev thom nug niam txiv/tus saib xyuas kev muab cov ntsiab lus teev tseg
 - Cov ntaub ntawv ceev tseg
 - Cov ntsiab lus tsom kwm chav kawm
 - Cov ntaub ntawv hais txog kev ntsuam xyuas keeb kwm yav tas los thiab niaj hnub no
 - Lwm yam ntsiab lus tsim nyog
- Yog tias qhov kev txhawb chav ntawv kawm raug muab txiav txim los ua qhov zoo tshaj plaws rau tus me nyuam kawm ntawv, Feem Kev Kawm Mus Deb Tus Kws Pab Tshwj Xeeb mam tham nrog ib tug ntawm AL Tsoom Thawj Coj los npaj ib tug laj txheej raws li qhov tim khawv muab sau los ua ke. Qhov kev xav kom ua mam muab nthuav qhia rau tsev neeg, thiab yuav muab npaj ib tug Laj Txheej Kawm Txuj Txawv (DEP) nrog niam txiv/tus saib xyuas txuam ua ke thiab muab tso rau hauv tus me nyuam kawm ntawv cov ntaub ntawv nrog ib qho txheej lus, tim khawv, thiab cov kev siv rau txoj kev qhia ntawv yav tom ntej.

TUS TXHEEJ TXHEEM TXHAWB TAG NRHO QIB KAWM

Kev tuav xam ntawm qhov kev txhawb tag nrho qib kawm, Feem Kev Kawm Mus Deb siv tus txheej txheem teev rau hauv *Iowa Tus Qauv Luj Xyuas Kev Txhawb Kom Mus Ceev / Iowa Acceleration Scale, 3rd Edition* (Belin & Blank, 2009). Tus txheej txheem rau qhov kev txhawb tag nrho qib kawm siv li ntawm ib mus rau peb lub hlis.

- Yuav kom muab tuav xam xyuas tau rau qhov kev txhawb tag nrho ib kawm, tus me nyuam kawm ntawv yuav tsum raug txheeb xyuas tias yog ib tug Me Nyuam Kawm Mus Deb nyob hauv qhov kev ntse txhua yam los yog hauv kev kawm ntaub ntawv thiab kev kawm zauv.
- Feem Kev Kawm Mus Deb Tus Kws Pab Tshwj Xeeb npaj ib pab neeg tuav hauj lwm ntawm tsev kawm ntawv cov neeg ua hauj lwm los txiav txim xyuas seb cov laj txheej kawm niaj hnub no puas tsim tau thiab txhawb tau tus me nyuam kawm ntawv tej kev tsim nyog tau hais txog kev kawm txuj thiab kev sib raug zoo-kev xav thiab yuav muab tso rau hauv ib qhov kev txheeb xyuas ntawm cov ntsiab lus (ntaw txaus tsim nyog thiab zoo tsim nyog txaus) rau tus me nyuam kawm ntawv.

Yog tias pab neeg tuav hauj lwm txiav txim tias kev mus rau tom ntej tsim nyog,

- AL Tus Kws Pab Tshwj Xeeb yuav tshawb xyuas tus me nyuam kawm ntawv thiab tsev neeg qhov kev txaus siab thiab qhov kev npaj txhij rau qhov kev txhawb tag nrho qib kawm.
- Ib tug ntawm Feem Kev Kawm Mus Deb tsoom thawj coj yuav txhawb qhov kev ua Iowa Tus Qauv Luj Xyuas Kev Txhawb Kom Mus Ceev / Iowa Acceleration Scale kom tiav, uas yog xws li:
 - Tsev kawm ntawv tus psychologist muab qhov kev ntsuam xyuas txog lub hlwb (WISC V or sib thooj)
 - Cov xib fwb thiab cov yim neeg teb cov lus thom nug ntawm Phau Ntawv Iowa Tus Qauv Luj Xyuas Kev Txhawb Kom Mus Ceev / Iowa Acceleration Scale Booklet
- Feem Kev Kawm Mus Deb Tus Kws Pab Tshwj Xeeb npaj ib pab neeg tuav hauj lwm los txheeb xyuas cov ntsib ntsuam xyuas tau ntawm Iowa Tus Qauv Luj Xyuas Kev Txhawb Kom Mus Ceev / Iowa Acceleration Scale thiab los muab ib qho kev pom zoo txog ib qho kev xav kom ua. Yog tias qhov kev txhawb tag nrho qib kawm raug kom ua rau tus me nyuam kawm ntawv, Tus Laj Txheej Kawm Txuj Sib Txawv (DEP) yuav muab npaj nrog tsev neeg qhov kev txuam ua ke nrog cov kev pab ntawm qhov kev txhawb yog tias tsev neeg pom zoo nrog qhov kev xav kom ua.

AL Cov Kev Pab Ntxiv Mus – Tsev Kawm Phaj Pib


Kis Kev Txawj	Feem Kev Kawm Mus Deb Txoj Kev Pab	Kev Piav
Ntaub Ntawv	Qhov Txawv Hais Txog Cov Ntaub Ntawv	Cov tshooj kawm tsim los txuas txoj kev kawm hauv chav kawm Ntaub Ntawv/Lus Askiv haum rau cov ntaub ntawv qhia tseem ceeb.
Kev Muaj Tswv Yim Txog Ntaub Ntawv	Kev Sau Phau Ntawv Nyeem	Sau nej tus kheej phau ntawv nyeem thiab coj nws mus luam ntawm.
Ntaub Ntawv	Kev Nkag Siab Cov Ntaub Ntawv Kawm Mus Deb	Ua tau 3000 tsab rau cov me nyuam kawm ntawv nyob rau lawv duas kev nyeem ntawv los nthuav cov kev nkag siab. (Qib 3-5)
Kev Kawm Nrag Duab	Cov Hau Kev Muaj Tswv Yim Sau Ntawv thiab Nrag Duab	Greater Dane Qhov Kev Luam Tawm Zaj Lus Sau (Anthology) yog ib qhov kev sib tw sau ntawv thiab nrag duab rau cov cheeb tsam tsev kawm ntawv thoob plaws hauv Dane County. (Qib 3-4 Hauv Zos, Qib 5 Hauv Cheeb Tsam)
Cov Kev Kawm Nywj Keeb	Kev Txhawb Ntxiv Cov Ntaub Ntawv Ua Ke thiab Cov Kev Kawm Nywj Keeb	Chav ntawv kawm me me txog Kev Tsim Txoj Kev Ntse muab cov kev kawm nywj keeb tso ua ke, tsim los ntawm Qhov Chaw Rau Cov Kev Kawm Txuj Mus Deb thiab MMSD. (Qib 5)
Kev Kawm Zauv	Qhov Txawv Ntawm Kev Kawm Zauv	Cov tshooj kawm tsim los txuas txoj kev kawm nyob hauv cov ntaub ntawv qhia zauv tseem ceeb.
Kev Kawm Zauv	Kev Daws Cov Nqe Zauv Kawm Mus Deb Rau Kev Kawm Zauv	Beast Academy yog ib qho kev kawm online uas muaj ib qho kev muab cov tshooj kawm sau los ua ke npaj rau kev daws cov nqe zauv, cov laj txheej sib nthuav qhia, kev siv, thiab cov puzzles. (Qib 1-5)
Kev Kawm Zauv	Kev Txhawb Chav Ntawv Kawm	Cov me nyuam kawm ntawv ua nthuav tawm ib qho xav tau kev pab kuj yuav raug muab tso rau cov chav kawm zauv hauv qib duas siab zog raws li Tus Txheej Txheej Txhawb Chav Ntawv Kawm.
Kev Kawm Txuj Ci	Qhov Txawv Txog Kev Kawm Txuj Ci	Cov tshooj kawm sim los txuas txoj kev kawm nybo hauv cov ntaub ntawv qhia tseem ceeb.
Kev Kawm Nywj Keeb	Qhov Txawv Txog Kev Kawm Nywj Keeb	Kev koom tes tawm tswv yim nrog cov xib fwb hauv tej qhov ntawm chav kawm nywj keeb uas yog siv cov qauv kawm.
Kev Muaj Tswv Yim	Cov Hau Kev Muaj Tswv Yim	AL Tus Kws Pab Tshwj Xeeb tsim cov hau kev rau cov me nyuam kawm ntawv kom txhawb tau txoj kev muaj tswv yim.
Kev Ntse Txhua Yam	Kev Txhawb Tag Nrho Qib Kawm	Cov me nyuam kawm ntawv kuj yuav tsim nyog tau txais qhov kev txhawb tag nrho qib kawm raws li Tus Txheej Txheem Txhawb Tag Nrho Qib Kawm.
Kev Coj	Kev Coj	Kev koom tes tawm tswv yim ntawm AL thiab cov xib fwb qhia ntawv muab cov kev coj thiab kuj yuav muab tau cov hau kev mus txheeb thiab kev khiav hauj lwm pab txoj kev kawm ntxiv rau.
Cov Kev Sib Txawv	ALS Txhawb Hauv Chav Kawm Tseem Ceeb	Kev koom tes tawm tswv yim thiab kev sib koom khiav hauj lwm pab cov me nyuam kawm ntawv los ntawm cov kev sib hloov mus los/cov kev nyob rau tej qhov chaw, cov kev muab tso ua tej pawg sib ywj tau, thiab lwm yam.

AL Cov Kev Pab Ntxiv Mus – Tsev Kawm Phaj Nrab

Kis Kev Txawj	Feem Kev Kawm Mus Deb Txoj Kev Pab	Kev Piav
Kev Kawm Nrag Duab	Cov Hau Kev Muaj Tswv Yim Sau Ntawv thiab Nrag Duab	Greater Dane Qhov Kev Luam Tawm Zaj Lus Sau (Anthology) yog ib qhov kev sib tw sau ntawv thiab nrag duab rau cov cheeb tsam tsev kawm ntawv thoob plaws hauv Dane County.
Cov Kev Kawm Nywj Keeb	Kev Txhawb Ntxiv Cov Ntaub Ntawv Ua Ke thiab Cov Kev Kawm Nywj Keeb	Chav ntawv kawm me me txog Kev Tsim Txoj Kev Ntse muab cov kev kawm nywj keeb tso ua ke, tsim los ntawm Qhov Chaw Rau Cov Kev Kawm Txuj Mus Deb thiab MMSD.
Kev Muaj Tswv Yim Txog Ntaub Ntawv	Kev Sau Phau Ntawv Nyeem	Sau nej tus kheej phau ntawv nyeem thiab tau txais ib qhov tim khawv nrog.
Ntaub Ntawv	Qhov Txawv	Cov tshooj kawm tsim los txuas txoj kev kawm hauv chav kawm Ntaub Ntawv/Lus Askiv kom haum rau cov qauv kawm.
Kev Nthuav Txuj	Sau Kev Ua Yeeb Yam	Cov me nyuam Lub Tsev Ua Yeeb Yam Hauv Madison koom nrog MMDD los muab cov kev nthuav txuj nrog kev sau ua yeeb yam rau me nyuam kawm ntawv; cov me nyuam kawm ntawv xa lawv cov ntawv ua tiav mus rau National Young Playwrights kom pauv kev sib tw.
Ntaub Ntawv	Ntaub Ntawv Kawm Mus Deb thiab Kev Sau Ntawv	Kev kub siab kawm muab tau cov ntawv sau thiab cov lus nug mus deb rau cov me nyuam kawm ntawv. Feem Kev Kawm Mus Deb Tus Kws Pab Tshwj Xeeb muab cov lus txhawb rau cov me nyuam kawm ntawv.
Ntaub Ntawv	Kev Hloov Cov Ntaub Ntawv Qhia	Cov me nyuam kawm ntawv sau npe kawm rau hauv ib Chav Ntawv Kawm Lus Askiv mus deb rau ib lub quarter los ntawm Qhov Chaw rau Cov Kev Kawm Txuj Mus Deb.
Kev Kawm Zauv	Qhov Txawv Txog Kev Kawm Zauv	Cov tshooj kawm tsim los txuas txoj kev kawm hauv cov ntaub ntawv qhia tseem ceeb.
Kev Kawm Zauv	Lub Ntsiab Kawm Zauv Mus Deb thiab Kev Tsim Kev Ntse	Qhov kev kawm zauv pab ntxiv nyob online (ALEKS) muab cov ntsiab zauv thiab kev tsim kev ntse rau cov me nyuam kawm ntawv thaum tsis siv iReady lawm.
Kev Kawm Zauv	Kev Txhawb Chav Ntawv Kawm	Cov me nyuam kawm ntawv ua nthuav tawm qhov kev paub txog qib duas kawm kuj yuav raug muab tso rau cov chav kawm zauv hauv qib duas siab zog.
Kev Kawm Txuj Ci	Qhov Txawv Txog Kev Kawm Txuj Ci	Cov tshooj kawm tsim los txuas txoj kev kawm hauv cov ntaub ntawv qhia txuj ci.
Kev Kawm Nyuj Keeb	Qhov Txawv Txoj Kev Kawm Nyuj Keeb	Cov tshooj kawm tsim los txuas txoj kev kawm hauv cov ntaub ntawv qhia nywj keeb.
Kev Muaj Tswv Yim	Cov Hau Kev Muaj Tswv Yim	AL Tus Kws Pab Tshwj Xeeb tsim cov hau kev rau cov me nyuam kawm ntawv xws li iSpy, Cov Kev Tsim Ua Lego los yog lwm yam.
Kev Ntse Txhua Yam	Kev Txhawb Tag Nrho Qib Kawm	Cov me nyuam kawm ntawv kuj yuav tsim nyog tau txais qhov kev txhawb tag nrho qib kawm raws li Tus Txheej Txheem Txhawb Tag Nrho Qib Kawm.
Kev Coj	Kev Coj	Kev koom tes tawm tswv yim ntawm Feem Kev Kawm Mus Deb thiab cov xib fwb qhia ntawv muab cov kev coj thiab kuj yuav muab tau cov hau kev mus txheeb thiab kev hauj lwm pab txoj kev kawm.
Cov Kev Sib Txawv	ALS Txhawb Hauv Chav Kawm Tseem Ceeb	Kev koom tes tawm tswv yim thiab kev sib koom khiav hauj lwm pab cov me nyuam kawm ntawv los ntawm cov kev sib hloov mus los/cov kev nyob rau tej qhov chaw, cov kev muab tso ua tej pawg sib ywj tau, thiab lwm yam.

Feem Kev Kawm Mus Deb – Tsev Kawm Qib Siab

Cov Hauv Kev Kawm Thaum Ntxov Tau Tus Qhab Nee Tsev Kawm Qib Siab yog ib txoj hau kev rau tsev kawm ntawv phaj siab cov me nyuam kawm ntawv los kawm kom tau tus qhab nee tsev kawm qib siab thaum lawv tseem nyob hauv tsev kawm ntawv phaj siab, uas tsis raug nqi dab tsi rau tus me nyuam kawm ntawv los yog tsev neeg. Muaj ntau txoj hau kev uas MMSD tsev kawm phaj siab cov me nyuam kawm ntawv yuav kawm tau tus qhab nee tsev kawm qib siab thaum lawm tseem kawm mus rau lawv daim ntawv pov thawj hauv tsev kawm ntawv phaj siab. Muaj ntau chav ntawv kawm nyob rau thaum ntxov ntawm tsev kawm ntawv phaj siab cov qib duab kawm los txhawb npaj cov me nyuam kawm ntawv rau cov ntaub ntawv kawm mus deb.



Nej puas paub...

- Cov me nyuam kawm ntawv uas koom rau hauv cov hau kev kawm tau tus qhab nee tsev kawm qib siab thaum ntxov mas feem ntau lawv yuav mus tau rau hauv qhov kev kawm tom qab kawm tiav hauv tsev kawm ntawv phaj siab, kawm mus ntxiv, thiab kawm tiav.
- Nej yuav kawm tau tus qhab nee tsev kawm qib siab thaum tseem nyob hauv tsev kawm ntawv phaj siab uas yuav pab tau kom kawm tiav hauv tsev kawm qib siab raws sij hawm los yog kawm tiav ntxov.
- Kev koom rau hauv cov hauv kev kawm tau tus qhab nee tsev kawm qib siab thaum ntxov yuav txuag tau nej nyiaj ntawm cov nqi kawm hauv tsev kawm qib siab.
- Cov me nyuam kawm ntawv yuav kawm tau ib daim ntawv pov thawj ua hauj lwm thiab npaj tau zoo rau lawv txoj hau kev mus rau txoj kev ua hauj lwm zoo.



Cov Lus Sawv Daws Nquag Nug

Kuv yuav paub tias kuv me nyuam raug txheeb tau li cas?

Yuav xa ib tsab ntawv los ceeb toom rau nej tom tsev thaum lub sij hawm muab qhov kev txheeb xyuas. MMSD txheeb xyuas me nyuam kawm ntawv cov ntsiab lus thiab tej yam tsim nyog tau hais txog kev kawm txuj tas mus li, nej tus me nyuam kawm ntawv kuj yuav raug txheeb xyuas nyob rau lwm qhov kev kawm ntxiv nyob rau hauv nws txoj kev kawm.

Kuv yuav hais rau leej twg yog muaj lus nug?

Nej yuav tsum hu rau nej tus me nyuam tus xib fwb yog muaj lus nug hais txog cov kev kawm hauv chav kawm. Yog muaj lus nug txog lwm yam, txhua lub tsev kawm ntawv muaj AL Tus Kws Pab Tshwj Xeeb los pab teb nej cov lus nug. AL Pab Thawj Coj pov plob rau qhov kev npaj txoj kev kawm txuj thiab lawv txaus siab yuav mloog thiab khiav hauj lwm ua cov neeg txhawb rau cov me nyuam kawm mus deb.

Yog tias kuv tus me nyuam raug txheeb tias yog ib tug me nyuam kawm mus deb, kuv puas yuav tsum tau qhia rau nws?

Peb ntseeg tias cov me nyuam ntse yuav tsum paub txog lawv cov kev ua tau zoo thiab cov kev ua tsis tau zoo. Cov me nyuam ntse muaj tej yam zoo txawv uas yuav tsum muab nthuav qhia los ntawm lub tsev kawm ntawv, tib yam li tej yam tsim nyog tau ntawm tag nrho cov me nyuam kawm ntawv yuav tsum tau duav. Qhov tseeb, vim yog cov me nyuam ntse xam pom ntxov tias lawv txawv lwm tus tas mus li, cia lawv los tham qhov no yuav pab tau. Lawv yuav muaj cuab kav kawm tau tias nws tsis ua cas los ua tus neeg zoo li ntawd thiab los mus npaj ua lawv cov kev txaus siab. Peb xav kom nej qhia rau tias qhov no txhais tau li cas – lawv muaj qhov kev muaj peev xwm yuav ua tau nyob rau tej yam thiab kuj yuav kawm tau zoo dua lawv cov phooj ywg kawm ua ke uas tsis tas hais mus hais los ntau lwm rau lawv. Nws tsis txhais tau lawv cia li yuav tau txais cov qhab nee siab tshaj plaws. Qhov kev nkag siab no muaj xws li kev sib fwm rau tag nrho cov me nyuam thiab qhov lawv kawm tau zoo li cas.

Kuv tus me nyuam puas yuav tau pauv cov tsev kawm ntawv?

Tsis tau, cov me nyuam kawm ntawv raug txheeb tau tias yog cov me nyuam kawm mus deb puas leej raug muab cov kev pab nyob rau nyob hauv lawv lub tsev kawm ntawv.

Kev Kawm Mus Deb Cov Lus Siv thiab Cov Ntsiab Txhais

Kev Txawb Kom Mus Ceev

Ib tug laj txheej ntawm txoj kev kawm los ntawm cov ntaub ntawv qhia mus ceev zog los yog cov hnuv nyooog yau zog qhov ib txwm kawm. Kev txhawb kom mus ceev kuj yuav yog tej chav ntawv kawm los yog tag nrho qib kawm raws tus me nyuam kawm ntawv qhov kev tsim nyog tau.

Cov Chav Tso Kawm Mus Deb

Ib qho kev kawm paub thoob teb chaws uas muaj cov chav ntawv kawm duas qib siab rau tsev kawm ntawv phaj siab cov me nyuam kawm ntawv, uas npaj los muab ib txoj hau kev rau cov me nyuam kawm ntawv los kawm tau tus qhab nee tsev kawm qib siab. Cov qhab nee kawm tau muab teev rau hauv tus me nyuam kawm ntawv daim ntawv teev cov ntsiab ntawv kawm qib siab.

Kev Muab Cov Ntaub Ntawv Qhia Tso Ua Ke

Kev cais ib qho los yog ntau qhov ntawm cov ntaub ntawv qhia los cob thiab qhia tus me nyuam kawm ntawv txoj kev kawm. Qhov no yog ua tom qab cov me nyuam kawm ntawv raug muab ntsuam xyuas ua ntej qhov kev paub ntawm cov ntsiab ntawv kom thiaj muab tej qhov kev kawm tshem tawm tau; los yog muab tau txoj hau kev rau tus me nyuam kawm ntawv los mus duav tau cov ntaub ntawv kawm mus ceev zog los yog nyob rau hauv lub sij hawm tsawg dua lwm cov me nyuam hauv chav kawm kom thiaj tsim tau ib lub sij hawm muab kev txhawb ntxiv los yog txhawb cov kev kawm kom mus ceev.

Txoj Kev Qhia Ntawv Sib Txawv

Ib qhov kev siv rau tag nrho cov neeg ua hauj lwm qhia ntawv thoob plaws hauv txhua qib kawm thiab cov chav ntawv kawm uas txuam rau kev kho kom haum chav kawm cov ntaub ntawv qhia, tus qauv qhia ntawv, thiab/los yog qhov tim khawv npaj siab kom ua ntawm txoj kev kawm kom duav tau tus me nyuam kawm ntawv cov kev xav tau tsim nyog zoo txawv nyob hauv chav kawm.

Kev Txhawb Ntxiv

Ib tug laj txheej uas muab cov hau kev rau cov me nyuam kawm ntawv kom kub siab rau duas kev xav cov nyom zog, siab zog, thiab/los yog dav zog raws cov kev kawm dua li ntawm cov ntaub ntawv kawm hauv chav kawm xwm yeem rau txhua tus (txawv zog xwb, tsis yog ntau zog).

Kev Nthuav Ntxiv

Muab cov kev kawm los yog cov laj txheej rau cov me nyuam kawm ntawv los nthuav rub lawv txoj kev kawm kom mus dav tshaj qib duas cov ntaub ntawv qhia tseem ceeb los yog cov duas ntawm txoj kev ua tau npliag.

Kev Hloov Cov Ntaub Ntawv Qhia

Cov ntaub ntawv qhia thiab txoj kev qhia ntawv muab rau ib tug me nyuam kawm ntawv thaum nws paub cheeb tsam tsev kawm ntawv cov qauv kawm rau nws “qib duas kawm” thiab tus me nyuam kawm ntxiv mus nyob rau txoj hau kev kawm mus deb.

Tus Me Nyuam Kawm Ntawv Muaj Ob Qhov Kev Kawm Tshwj Xeeb

Ib tug me nyuam kawm ntawv uas raug txheeb tau tias yog ib tug me nyuam kawm mus deb thiab ib tug me nyuam kawm ntawv muaj ib qhov kev tsis muaj peev xwm.

Qhov Txawv

Ib txoj hau kev ntawm txoj kev kho kom haum chav kawm cov ntaub ntawv qhia, tus qauv qhia ntawv, thiab/los yog qhov tim khawv npaj siab kom ua ntawm txoj kev kawm los mus txuas txoj kev kawm ntxiv mus kom kawm tau siab dua cov ntaub ntawv kawm hauv qib duas.

Cov Kev Pab Rau Cov Yim Neeg

Lub Koom Haum Thoob Teb Chaws Rau Cov Me Nyuam Ntse (NAGC) yog ib lub koom haum ntawm cov niam txiv, cov neeg txawj ntse, lwm cov neeg ua hauj lwm paub tab, thiab lub zej zog cov thawj coj los nthuav qhia tej yam zoo txawv tsim nyog ntawm cov me nyuam kawm ntawv thiab cov hluas muaj cov kev ntse thiab tshaj lij nthuav tawm thiab raws li yog cov me nyuam uas yuav muaj peev xwm tsim tau lawv qhov kev muaj peev xwm yuav ua tau qhov kev tshaj lij nrog cov kev kawm tsim nyog.

www.nagc.org

Lub Koom Haum Txhawb Tej Yam Tsim Nyog Txog Txoj Kev Kawm Ntawm Cov Me Nyuam Ntse (SENG) txhawb rau cov laus hauv lub neej ntawm cov me nyuam ntse. SENG muab cov ntaub ntawv hais txog kev txheeb xyuas, kev cob qhia, thiab cov hau kev muaj txiaj ntsim rau los mus ua neej nyob thiab ua hauj lwm nrog cov neeg ntse.

www.SENGifted.org

Hoagies'Qhov Kev Kawm Ntse (Gifted Education Page) yog ib qhov kev pab cob qhia rau txoj kev kawm txuj ntawm cov me nyuam ntse uas muaj cov links mus rau cov kev pab yuav luag txhua yam ntawm txoj kev kawm ntse nyob hauv Internet, thiab cov lus sau piav thiab cov ntaub ntawv muab los ntawm cov niam txiv.

www.hoagiesgifted.org

2e Tsab Ntawv Xov Xwm yog ib tsab ntawv xov xwm luam tawm ob zaug txhua hli hais txog cov me nyuam muaj ob qho kev kawm tshwj xeeb (2e). Cov me nyuam no ntse thiab kuj muaj ib qhov kev tsis muaj peev xwm kawm tau uas yuav yog ntau qhov xws li cov kev kawm sib txawv los yog cov kev kawm muaj kev cuam tshuam. Lub hom phiaj yog los txhawb ib qhov kev txheeb xyuas ntawm tus me nyuam 2e – tsis yog qhov IQ siab los yog cov kev tsis muaj peev xwm xwb, tab tsis tus me nyuam raws li yog tug tib neeg.

www.2eNewsletter.com

Lub Koom Haum Rau Cov Me Nyuam Ntse (TAG) raug npaj los ua ib fab ntawm lub Koom Haum Tswj Rau Cov Me Nyuam Muaj Kev Kawm Tshwj Xeeb (CEC) kom pab tau cov neeg ua hauj lwm thiab cov niam txiv khiav hauj lwm nrog tus me nyuam ntse mus tau zoo zog.

www.cectag.org